

جَزَائِرِ حَاكِمِ

جمعه ایرتسی

نومرو	محرم	سنه	حزیران	سنه	محیفة
۸۷۸	۱	۱۳۱۴	۱	۱۳۱۲	۱۲۳۶۵

(اشبو غزته بهر هفته جمعه ایرتسی کونلری چیتار . سنه لکی در سعادت ایچون مجیدیه یکر می فروش)
 (حسابیله التمش فروشدر . طشره لر ایچون اون بش فروش پوسته اجرتی ضم اولنور . بهر)
 (نسخہ سی ینہ مجیدیه یکر می فروش اولق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظاری)
 (دأره سنده کأن جریده محاکم اداره سنه مراجعت ایلیلدر)

قصر غیر می

ایکنجی محکمه تجارتدن ۶ مایس سنه ۳۱۱
 تاریخی وسکسان اوج عددی ایله ویریلان اعلامک
 تمیز بی استدعا ایدن بیوک اطه ده چارشوده قصاب
 اصنافدن نیقوله قولیا وکیلی یانی زبسی افندی ایله
 مدعی علیه غلطه ده قره کویده مقیم اصناف
 مرقومه دن خرستو ولد یانی غیالنجی وکیلی یانقو
 مامو بلو افندینک یوم معینده دأثریه ورود

ایتملرله ایضاحات شفاهیله ر استماع قلندقدن صکره
 تدقیقات تمیزیه اجرا سنه ابتدار اولندی .

اعلام مذکورک خلاصه مالی مزبور خرستو
 ایله نیقوله بیننده بیک سکز یوز طقسان برسنه سی
 نیسانک اون بشنه قدر جریان ایدن اخذ واعطا
 محاسبه سنک بالرؤیه سنده ربط اولندی نی تصادق
 طرفین تحتنده اولوب انجق سنه مرقومه نیسانک
 اون سکز نده مزبور خرستونک بر قلمده نیقوله یه
 یکر می قبون اعطا ایتدیکی شهادت واقعه ایله ثابت
 ایدوکنه منی بدلی اولان ایکی بیک سکز یوز

اون غروشك مع فائض مرقوم ني قوله دن تحصيل
لزومه دائر ايكنجي محكمه تجارتدن صادر اولان
اعلامك تميزاً بالتدقيق مدعى من بو خرسونك
اثماني دعوى ايتديكي قبولرك النديني ني قوله
جانبدن انكار اولغوب انجق ائمانك حسابه
ادخال اولنديني مدافعه بيان وادعا ايدلمكد
اولسنه كوره مدعى من بورك دفترينه مراجعتله
واقض ايتديكي تقديرده سائر كونه تحقيقات
اجراسيله مذكور قبولر بدلاتك اخذ ايديلوب
ايدلمديكنك ظاهره اخراج اولغسي لازم كلوركن
بو باده شهود شخصيه اقامه اولغسنيك يولسر -
لغندن طولاي نقض و اعاده اولغسي اوزرينه
طرفين ملو افقه كفت مبرزله حواله اولغرهق

خرسونك نيقوله ذه منته ابيك بيك سكر بوز
 اونغروش الاجني اولديني محرر اولوب هر تقدیر
 مدعی علیه نيقوله وکیل هیئت مجیزه حضورنده
 میزینی تبدیل ایدم جکینی بیان ایلدیکی حالده اشبو
 طلبنک نظر دفته الندیغدن بجهله کیفیتک یکدن
 میزله حواله سنی طلب ایتمکده ایسه ده بتهکرار
 میز تعینیه تدقیقات اجرا سنه محل اولدیغه بناء
 بر موجب تقریر مدعا به اولان ایکی بیك سکر
 بوز اونغروشک نيقوله دن تحصیله حکمدن

قراری دائرہ سنده بالتدقیق حلی مقضی ایکن
بوجهتک دخی نظر دقته التامسی قانونه مغایر
ومستدعی تمیز وکیلنک بوجهتله متفرع
اعتراضاتی موافق نفس الامر اولدیفنه بناء اصول
محاکمه حقوقیه قانوننک ایکیوز اوتوز ایکنجی
ماده سی موجبجه اعلام مذکورک نقضنه وایکیوز
فرق دردنجی ماده سی حکمنه توفیقاً کیفیتک یکدن
بالرؤیه اعلامه ربطی ضمننده محکمه مذکوریه
اعاده سنده وزیرده مفرداتی محرر اوچیوز اون
طقوز یحق غروش مصارف تمیزیه نک ایلروده
حقسنر چیقه جق طرفه رجوع ایتک اوزره اول
امرده مستدعی تمیز نیقوله دن المنسئه ۳۱ تشرین
اول سنده ۳۱۱ تاریخنده متفقاً قرار ویریلرک
تفهیم قشندی .

استدعا قلمش و يوم معينه باقى مذکور و کيلى
او خانس افندى دائره کلوب مدعى عليه آراج
قضائى کوزت قريه سنده ساکن احمد افندى
کلديکى کي جواب لايحه سى دخى کوندر ماش
اولديندن يالکيز و کيل مومى اليهک ايضا حات
شفاهيه سيله باش مدعى عمومى معاونلرندن سعادتلو
بورغا کي افنديک مطالعه سى استماع قلندقد نصکره
تدقيقات تميزيه اجرا سته ابتدار اولندى.

اعلام مذ كورك خلاصه مالى آراج قضائى
زراعت باقى شعبه سنك وكيلى خلوصى افندى
مذ كور باقهك ملغا منافع صندوغندن مدور
برقطه سندن موجبجه عمن ذمتده باسند الاجنى
اولان يديوز كسور غروشهك مع فائض مرقومك
كفيلى احمد افندين تحصيلنى طلب ودعوى وبر
قطعه سندن ابراز واعطا ايتمى ومدعى عليه احمد
افندى دخی سندهكى امضا كندوسنك ايسده
يالكز ايكيوز غروشه كفالت ايدوب انيده تأديه
ايتديكنى درميان ايلمسى وزراعت باقى وكيلى
دخی اللى غروشدن بشقه تسليماات اولديغنى مدافعة
سرد و اراد ايتلمرى اوزرينه اولباسده اجرا
قنان محاكمه و تدقيقات نتيجه سنده كفيل مزبور
حقنده فائض ظلمنك ردله رأس المال اولان درت

بناءً اصول محاکمه حقوقیه قانونک ایکوز فرق
برنجی ماده سی و جنبه اعلام مذکورک نقضه
وقانون مزبورک ایکوز فرق در دنجی ماده سی حکمنه
توقفاً کیفیتک یکیدن بالرؤیه اعلامه ربطی
ضمننده محکمه مذکوریه اعاده سنه و زبرده
مفرداتی مرقم اوچوز الی درت بحق غروش
مصارف تمیزیه نک ایلروده حقسز چیه حق طرفه
حاند اولقی اوزره اول امرده مستدعی تمیزدن
السنه ۲۰ اغستوس سنه ۳۱۰ تاریخنده متفقاً
قرار ویریلرک تعهیم قلندی .

در سعادت بدایت محکمه سی برنجی حقوق
دائره سندن ۲۸ شباط سنه ۳۰۹ تاریخی و یوز
اوتوز درت عددی ایل ویریلان اعلامک تمیزینی
استدعا ایدن وزنه جیلرده کمراتی زقاغنده مقیم
حامجی علی رضا بک ایل مدعی علیه اسکدارده
کائن اسکی حامده ساکن اوخانس کورکیان یوم
معینده دائرته کدکلرندن اصول محاکمه حقوقیه

یوز کسور غروشدن سکه فرقنک تنزیله متباق
اوچوز اون طقوز غروشک کفیل مزبور احمد
افندیدن تحصیلنه حکمدن و مستدعی تمیز باقی
وکیلنک اشبو اعلام علیه سنده لایحه سنده محرر
باشلوجه اعتراضی دین سندننده فائض مقاوله سی
مندرج اولوب حاوی اولدینی مبلغک مع فائض
تحت حکمه النسی لازم کلور ایکن فائض حکمنندن
صرف نظر اولنسی مغایر قانون اولدیفندن بختله
اعلامک نقضی استدعاسندن و معاون مومی الیهک
مطالعہ سی دخی دعوی واقعه منافع عامه یه متعلق
اولدینی حالده انشای رؤیتده مدعی عمومی استماع
قلنامش وسند منازع فیهک فائضی اولدینی نظر دفته
النماش اولسنه مبنی اعتراضات مذکورنک موافق
قانون اولدینی بیانندن عبارت بولنمشدر .

ایجابی مذاکره اولندقدہ اعلام مذکور
مندرجاتندن مفهم اولدینی اوزره دعوی واقعه
منافع عامه یه متعلق اولدینی جهتله انشای رؤیتده
مدعی عمومینک حاضر بولندیریلرک مطالعہ سنک
استماع قلنسی لازم کلور ایکن بویولده اجرای
معامله اولنقسزین برمنوال محرر حکم اولنسی
اصول وقانونه مغایر و معاون مومی الیهک مطالعہ سی
دخی بوجهته متداثر اولرک شایان قبول کورلدیکنه

قانونک ایکوز یکرمی طقوزنجی ماده سی و جنبه
تدقیقات تمیزیه اجرا سنه ابتداء اولندی .

اعلام مذکورک خلاصه مالی مرقوم
اوخانسک مومی الیه علی رضا بکدن باسند ادعا
ایلدیکی مبالغ معلومه دن طولای محکمه جه
بردرجه یه قدر محاکم لری اجرا و اخیراً مومی الیه
وکیلنک مجاوبه دن امتناعنه مبنی وکیل مسخر
حضوریلر اجرا ایدیلان محاکمه و تدقیقاتده مبالغ
مذکورنک مومی الیه رضا بکدن تحصیلنه دائر
محکمه مذکورده دن غیاباً اعطا قلنسان اعلام
علیه سنده میر مومی الیه جانبندن ویریلان اعتراض
علی الحکم استدعاسنک اسباب قانونیه یی جامع
اولماسندن ناشی ردینی حاوی صادر اولان
اعلامک عندالتمیز نقض و اعاده اولنسی اوزرینه
محکمه مذکورده جه بشکرار لاجل المحاکمه تعیین
اولنان کونده معترض مومی الیه علی بک اجابت
ایتمام سنه مبنی سالف الذکر اعتراض علی الحکم
عروضالتک ردینه حکمدن و مستدعی تمیز علی رضا
بکک اشبو حکم علیه سنده کی اعتراضاتک باشلوجه سی
اعلام غیابینک نقضی حاوی محکمه تمیزدن صادر
اولان اعلامده کوستریلان اسباب قضیه نک رد
استدعایی متضمن اولان اعلامه درج و تنقیق

قلنامسی و معذرت مشروعه سنه مبنی یوم معینده
حاضر بولنه میه جفتی افاده ایدرک محاکمه وقت
آخره تعلیق قلنمش ایکن طرفیندن امضا النامسی
یولسز و مخالف قانون اولدیفندن اعلامک نقضی
و مدعی علیهک لایحه سنده مندرج نتیجه اجوبه سی
دخی حکم ابتدائی موافق اصول وقانون اولوب
اعتراضات واقعه واهی و بی اساس اولدینی
بیانیه ردی و اعلامک تصدیق طلبندن
عبارت بولنمشدر .

ایجابی لدی المذاکره اعلام تمیز به مطالعہ سندن
مفهم اولدینی اوزره تمیز علی بکک بدایه ویرمش
اولدینی اعتراض علی الحکم استدعاسی اوزرینه
شفاهاً تعیین قلنان کونده مومی الیه علی رضا بکک
اجابت ایتمام سنه مبنی محکمه جه رد استدعایه قرار
ویرمش ایسه ده یوم معینده معترضک کله جکئی
میین علی العاده احضار ورقه سی ظهرینه و یا خود
دفتر مخصوصنه امضا ایتدیرلکدن صکره کلدیکی
تقدیرده استدعاسنک ردی لازم کلوب یوقسه
بومعامله نک خارجنده محکمه جه تعیین قلنان کونده
معترضه یالککز شفاهاً تبلیغ قلنسی قانوناً دعوت
عد ایدیله میه جکئنه مبنی او بایبده کی اعتراض
استدعاسنک ردی جائز اوله مدینی حالده مجرد

کدکاری کی مدعی علیه طرفین جواب لایحه می
دخی کوندلیدیکند اصول محاکمه حقوقیه
قانونک ایکوز یکرمی طقوزنجی ماده می موجب
تدقیقات تمیزیه اجراسنه ابتدار اولندی.

اعلام مذکورک خلاصه مالی مرقوم حسن
پدری متوفی حسن ملازم نام کسینک عهده سنده
بولسان معلوم المقدار و الحدود بر قطعه دکرهن
عرصه سنک مستحق طابوسی اولسی جهله بدل
مثلیه کندوسنه تقویض اولنمی لازم کلورایکن
اراضی مذکوریه من بور حسن افندی طرفین
مداخله اولندیقندن بخله مداخله واقعہ نک منعلیه
مبعوث عنه اراضیک بدل مثلیه عهده سنه
تقویضی طالب وادعا ایتسنه قارشو عندالحاکمه
مدعی علیه حسن افندی دخی صورت دعوائی
انکارده بولنش ایسده اولباید جریان ایدن
محاکمه و تدقیقات نتیجه سنده مذکور عرصه
مدعی مرقومک پدری متوفی حسن ملازمک
ملکی اوله رق مستحق طابو اولدینی شهادت واقعہ
ایله تبیین ایتسنه منی بخله نک بیک سکز یوز اون
سکزنجی و اراضی قانونک سکسان یدنجی
ماده لرینسه توفیقاً اراضی مدعا بهانک مدعی
مرقوم حسن عهده سنه قید و تقویضیه من بور

دعوت شفاهییه معترضک اجابت ایتماسی
سر رشته سبیله اعتراض عرضحالتک ردینسه قرار
ویرلمی مغایر اصول و قانون اولدیفنه بناء اصول
محاکمه حقوقیه قانونک ایکوز قرق برنجی ماده می
موجبجه اعلام مذکورک تقضیه و ایکوز قرق
در دنجی ماده می حکمنه توفیقاً کیفیک قانون
دائر سنده بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم اوج
یوز اون طقوز بچق غروش مصارف تمیزیه نک
ایلروده حقسنز چیه جق طرفه عائد اولقی اوزره
اول امرده مستدعیدن التمسنه ۳ نیسان سنه ۳۱۱
تاریخنده بالانفاق قرار ویرلدی.

بوی آباد بدایت محکمه سندن ۱۶ شباط
سنه ۳۰۹ تاریخی و درت عددی ایله صادر اولان
اعلامک تمیزینی استدعا ایدن بوی آباد قضاسنک
غازیدره دباغلی قریه سنده مقیم اکبر اوغلی خطیب
حسن افندی ایله مدعی علیه قریه مذکورده
ساکن ملازم اوغلی حسن یوم معینده دائریه

مثلاً حسن افندیکن بدل مثل اوله رق خزینه
ویرمش اولدینی تبیین ایدن بشیوز بتمش غروشک
مدعی مرقوم حسندن تحصیلنه حکمدن و مستدعی
تمیزک اشبواعلام علیه نه لایحه سنده محرر باتلوجه
اعتراضی دعوائی واقعہ عقاره متدائر اولدینی حالده
دی الیدلکک بالینه اثبات ایتدیرلماسی مغایر قانون
اولدیفندن بخله اعلامک تقضی استدعا سندن
عبارت بولمشدر.

ایجابی مذاکره اولندقدده اعلام مذکور
مآلندن مستفاد اولدینی اوزره دعوائی واقعہ
حقنده اولجه اعطا قلندیقن درت اعلامده حکایه
اولنان بدایت و استیناف اعلاملرینک دعوانک
اکلاشیلاجق صورتنده خلاصه می یازلامسی و حکم
واقعہ مابه التطبيق اتخاذ اولنان ماده قانونیه نک
بوخصوصه تعلقی بولنامش اولسی و مستدعینک
اساس دعوائی متازع قیه عرصه نک وقیله باباسنک
ملکی اولوب شمعی کندو سنک حق طابوسی
اولدیفندن طولایی طابو مثلیه کندوسنه ویرلمی
طلبندن عبارت اولسنه کوره بومقوله حق طابو
اصحابنک بومثللوراضی بی طلب و اخذ ابده بیلملری
ایچون اراضی قانوننده محرر اولان احکامه توفیقاً
تدقیقات لازمه اجراسیله رؤیت و حکم اولنقی

اقتضا ایدر ایکن محکمه جه بورالرینسه دقت
اولنقسزین بوجه مشروح حکم اولنمی مغایر
اصول و قانون اولدیفنه بناء اصول محاکمه حقوقیه
قانوننک ایکوز قرق برنجی ماده می موجبجه
اعلام مذکورک تقضیه قانون من بورک ایکوز
قرق در دنجی ماده می حکمنه توفیقاً کیفیک یکیدن
بالرؤیه اعلامه ربطی ضمننده محکمه مذکوریه
اعاده سنه وزیرده مفرداتی مرقم درتیوز اون درت
بچق غروش مصارف محاکمه نک ایلروده حقسنز
چیه جق طرفه رجوع ایتک اوزره اول امرده
مستدعی تمیزدن اخذواستیفاسنه ۳ مایس سنه ۳۱۱
تاریخنده قرار ویرلدی.

قونیه استیناف محکمه سندن ۲۷ شباط
سنه ۳۰۸ تاریخی و اوتوز التي عددی ایله
ویریلان اعلامک تمیزینی مالیه نظارت جلیله سنه
اضافله دعوی وکیلی شوکت افندی طرفین
باعرضحال استدعا قلنمش و یوم معینده نظارت
مشار الیه جانبدن سعادتلو رشید افندی دائریه

کلیش ایسه ده مدعی علیهما قونییه ده مقیم حاجی صدرالدین اغا واقشهر قضااسنه تابع جهانیکلی ناحیه سنده مقیم مصطفی بک کلدرندن یالکز وکیل موخی الیهک ایضاحات شفاهییه سیله باش مدعی عمومی معاونلرندن سعادتلو یورغاکلی افندی بک مطالعه سی استماع قلندقدن صکره تدقیقات تمیزیه اجراسنه ابتدار اولندی .

اعلام مذکورک خلاصه مآلی محلی خزینة جلیله وکیل اقسهر قضااسنه تابع جهانیکلی ناحیه سنک طقسان بر سنه سی حبوبات اعشار ملترمی مرقوم حاجی صدرالدین اغا ایله کفیلی حاجی عبدالرحمن اغانک اعشار مرقومه بدلندن غیر از استیفا بورجلی اولان اوتوز ایکی بیک یتش غروشک مع فائض تحصیاتی طلب و دعوی ایتمسنه قارشو ملترم مرقوم اعشار مذکوره میاننده مسکتلر نام یدی عدد وقف مذکور متوالیرنک وقوعبولان ادعاری اوزرینه قرای مذکوره نک تشعیرندن کندوسنک قونییه ولایتی دقتدارینک امرنامه سیله اوراق سائر منطوقجه منع ایدلیکی جهته بدل مذکورک تأدییه سی لازم کلبه جکئی مدافعة درمیان ایتمی اوزرینه جریان ایدن محاکمه نتیجه سنده ملترم مرقومک امر تشعیردن منع

ایدلیکی مراد قائمسی واوراق سائر ایله تبیین ایدلیکی جهته بعده بدل مزایده دن تنزیل اولنقی اوزره وقف مز بوردن ملترم مرقومک عشر اولوب اولدی بک وکرك سنه مذکوره دن وکرك اول و صکره کی سنه لردن وقف مزبور حاصلاتندن متوالیرله نه مقدار عشر اعطا قلند بک تدقیقته قرار ویریلوب مؤخرأ وقف مذکور موایسی حضور یله اجرا قلنان محاکمه و تدقیقانه ناحیه مذکوره ایله مسکتلر نام محل برلکده احاله اولندی قی حالده ملترم مرقوم قرای مذکوره یی تشعیردن منع ایدلش وعقد واحد ایله تعیین قلنان بدل التزامدن وقف مذکور بدلنک ضبط وتنزیله التزام اولنان سائر محالرك تقریق وتغیر تصحیح دعوایه محتاج بولنش اولدی بک ملترم مرقومک عهده سنده ابقا ایدیلان محال بدلات عشریه سنه عارض اولان مجهولیت سببیه صحیح اولیان دعوانک ردینه دائر قونییه مرکز بدایت محکمه سندن ویریلان اعلامک عندالاستیناف تصدیقته حکمدن ومستدعی تمیز خزینة مشارالیه وکیلنک اشبو اعلام علیهنده کی اعتراضاتنک باشلوجه سی و قبیقی ادعا اولنان عمللردن نه مقدار حاصلات الذنبی ثابت اولش و ملترمی نه قدر عشر المئش بورالرنک وکرك اول سنه وکرك

صکره کی سنه لردن نه مقدار عشر اعطا قلنمش اولدی بک تدقیقته قرار ویرلش ایکن مؤخرأ اشبو قراردن عدول ایله خزینة نک رد ادعاسنه بدایت ویریلان قرارک عندالاستیناف تصدیقته قرار ویرلشی مغایر قانون اولدی بک بخله اعلامک تقضی استدعاسندن و مدعی علیهمادن مصطفی بکک لایحه سنده محرر نتیجه جوابی اعتراض مذکورک غیر وارد اولدنی بیانیله ردی و اعلامک تصدیقی طلبندن و معاون مومی الیهک مطالعه سی دخی محکمه استینافیه درمیان اولنان اعتراضات اسباب موجبة قانونیه سردیله رد وجرح ایدلماش اولسنه مبنی اعتراضات واقعنک موافق قانون اولدنی بیانندن عبارت بولنمشدر .

ایجابی مذاکره اولندقدن اعلام مذکور مندرجاتندن مستبان اولدنی اوزره درجه اولی محکمه سنجه اراضی موقوفه عشرینک تحقیق مقدار وکیتی ایله ملترمک تغیر ایدوب ایتمدیکی حقننده تحقیقات اجراسنه قرار ویرلش واشبو قرار حقیقت حالی ظاهره اخراج ایده جکی جهته مصیب و بجا بولنش اولدی بک قرار مذکور موجبجه دوام معامله یه قانوناً لزوم واریکن بدایت

قرار مذکوردن صرف نظرله خزینة نک وکیلنک رد ادعاسنه حکم اولنشی بولنش اولدنی حالده عندالاستیناف بوراسنه دقت اولنقسزین حکم ابتدائینک تصدیق قلنمش مغایر قانون اولدی بک ومستدعی خزینة مشارالیه وکیلنک اعتراضی دخی بوجهته متدائر اوله رق شایان قبول اولدنی کبی معاون مومی الیهک مطالعه سی دخی موافق نفس الامر بولندی بک بناءً اصول محاکمه حقوقیه قانوننک ایکوز اوتوز ایکنجی و ایکوز قرق برنجی ماده لری موجبجه اعلام مذکورک تقضیه کیفیتک صور مشروحه دائره سنده یکیدن بالرؤیه اعلامه ربطی ضمنتده محکمه مذکوره به اعاده سنه وزیرده مفرداتی مرقم بشیوز اون ایکی یحقی غروش مصارف تمیزیه نک ایلروده حقسنز حقیقه جق طرفه رجوع ایتمک اوزره اول امرده خزینة مشارالیه ابدن الفسنه ۱۷ تشرین اول سنه ۳۱۱ تاریخنده متفقاً قرار ویریله رک تفهیم قلندی .

تیره بولی بدایت محکمه سندن ۲ مارت سنه

۳۱۰ تاریخی و او تو ز عددی ایل و یریلان
اعلامک تمیزی است. عایدن قضاء مذکوره تابع
اطه بوکی قریه سی اها ایسندن حاجی ابراهیم و کیلی
مصطفی افندی بوم معینه دائره کله رک مدعی علیه
قریه مذکوره اها ایسندن احمد اغا ورود اجتماع
اولدیفندن وکیل مومی الیهک ایضاحات شفاهی سی
استماع اولنهرق تدقیقات تمیزی اجرا سینه
ابتدار اولندی .
اعلام مذکورک خلاصه مالی مرقوم احمد
اغانک اطه بوکی قریه سنده کائن و پدرندن انتقالاً
برقطه طابو سندی و حجت شرعیه موجبیه
متصرف اولدینی ترلا دروننده کشاد اولنان صو
خرقی پدری متوفی عارف اغا حال حیات سنده
بوندن طقوز سنه مقدم و سنوی یوز غروش بدل
ایله مزبور حاجی ابراهیم اغایه برقطه سند
موجبیه ایجار ایدوب برسنه لکنی دخی اخذ
ایتمش ایسه ده تاریخ وفاتندبرو تراکم ایدن سکر
سنه ک اجورانی اولان سکر یوز غروشی مرقوم
حاجی ابراهیم اغا ایفادن امتناع ایتمکده اولدیفندن
بجمله مبلغ مذکورک تحصیلانی دعوی و مذکور
حجت شرعیه ایله برقطه طابو و ایجار سندلرینی
ابراز ایتمش اولسنه قارشو مدعی علیه حاجی

ابراهیم اغا منازع فیله اولان خرق مستقلاً
کندی مالی اولوب مدعیلک تصرف ایلدیک خرق
ایسه طقیان میاه ایله طولش اولان دیگر برخرق
اولدینی عندالکشف تحقق ایدم جکنی و مبرز ایجار
سندی مصنع اولوب زیرنده موضوع اولان
مهر کندوسنک اولدینی و مزبور عارف اغانک
تاریخ سندن مقدم و فاتی وقوعی اثبات ایدم
بیله جکنی مدافعه تذکار ایتمی اوزرینه محل
مذکورک کشفیه استماع شهود اولندقدن سکره
اجرا قلنان تحقیقات نتیجه سنده منازع فیله اولان
خرق مبرز طابو و حجت شرعیه ده محرر حدود
داخلنده اوله رق مدعی احمد اغانک عهد
تصرفنده اولدینی کشف ناجی طرفندن تنظیم واعطا
قلنان رابورده مندرج اولدینی کی مرقوم عارف
اغانک و فاتی دخی مذکور ایجار سندی تاریخندن
مؤخر ایدوبی اکلاشلمش و قیود دفتر خاقانی
تزیورن امین اولفله معمول بولمش اولدیفنه بناء
مجله نک بیک سکر یوز اون سکر و بیک یدییوز
او تو ز یدنجی ماده سی موجبیه مدعا به اولان
خرقه مدعی علیهک منع مداخله سیله غیر از تسلیم
تراکم ایدن طقوز سنه ک بدل ایجار اولق اوزره
طقوز یوز غروشک تحویلنه حکمدن واشبو حکم
علیهنده مستدعی تمیزی و کیلی مصطفی افندی

باشلوجه اعتراضی مذکور خرق سنوی یوز
یکرمی غروش بدل ایجار ایله موکلنک استیجار
ایلدیکنه دائر ابراز اولنان سندن مصنع و مرقوم
احمد اغانک پدری عارف اغانک تاریخ وفاتندن
مؤخر اولدینی حاله نفوس قلمنجه موجود اولمی
لازم کلان قیود رسمیه به مراجعتله مومی الیهک
تاریخ و فاتی تحقیق اولنهرق سن بن مذکور سنده
بنای حکم اولمی مغایر قانون اولدیفندن بجمله
اعلام مذکورک نقضی استداسندن و مدعی علیهک
لایحه سنده محرر نتیجه جوابی دخی حکم اعلامک
اصول و قانونه موافق اولدینی بیانیله تصدیق
طلبندن عبارتدر .

ایجابی مذاکره اولندقدن اعلام مذکور
مألندن اکلاشلدینی اوزره بدایه مدعی علیه
بوانسان حاجی ابراهیم اغا مبرز ایجار سندن کی
مهر و امضاسنی انکار ایله سندن مذکورک مصنع
اولدینی ادعا ایتمش اولسنه کوره سند مذکورک
حاوی اولدینی مهر و امضا حقننده تطبیق خط
و خاتم قاعده سنه توفیقاً اهل خبره معرفتیه تدقیقات
لازمه اجرا سیله تبیین ایدم جک حاله کوره حکم
اولنق لازم کلور ایکن محکمه مذکورجه معامله
تطبیقیه اجرا اولنهرق سن بن برمنوال محرر حکم

اولمی یولسز و اصول و قانونه مغایر بولمش
اولدیفندن اصول محاکمه حقوقیه قانوننک ایکوز
او تو ز ایکنجی ماده سی موجبیه اعلام مذکورک
نقضیه قانون مزبورک ایکوز قرق در دنجی ماده سی
حکمنه توفیقاً کیفیتک یکیدن بالرؤیه اعلامه
ربطی ضمننده محکمه مرقومه به اعاده سنه و زبرده
مفرداتی مرقم اوچوز قرق طقوز بچق غروش
مصارف تمیزی به نک ایلورده حقسنر حقیقه حق طرفه
رجوع ایتمک اوزره اول امرده مستدعی تمیزدن
اخذینه ۲۴ تموز سنه ۳۱۱ تاریخنده متفقاً قرار
و یریله رک تفهیم قلدی .

یلواج بدایت محکمه سندن ۱۲ تشرین ثانی
سنه ۳۰۴ تاریخی و او تو ز ایک عددی ایل و یریلان
اعلامک تمیزی است. عایدن یلواج قضاسنک
عباجیلر محله سنده مقیم حضر ولی اوغلی خلیل
بوم معینه دائره کله رک مدعی علیه مالیه خزینه
خلیله سی وکیل رحمی افندی و ورود ایتمش
اولسنه ایضاحات شفاهی سیله باش مدعی عمومی

معاونان ندن سعادتلو یورغا کی افندیك مطالعه سی
استماع قلندقدن صکره تدقیقات تمیزیه اجراسنه
ابتدار اولندی .

اعلام مذکورک خلاصه مالی یلواج قضاسی
مال مأموری و خزینة جلیله نك ملتزم مزبور
خلیل ذمتده الاجفی اولان یوز طقسان کیل
طقوز شیک اعلا حنطه واون سکز کیل جدید
شعیرک عیناً ویاخود بلدیة مجلسنک اولبابده کی
قراری وکشیده اولنان پروتستو موجبجه اعلا
حنطه نك بهرکیلی قرق بش وشعیرک دخی یکرمی
سکز غروشدن اولمق اوزره بدلاً اجرای موقته
مزبور خلیل ایله کفیلی حاجی محمد نام کسسه ندن
تخصیصی طلب ودعوی وبرقطه مقاولات محرر .
لکنندن مصدق سند ابرازواعطا ایتمسنه قارشو
عندالحاکمه مدعی علیهما وکیلی دخی حین التزامده
میبع مجهول اولدینی جهته اساساً بیع باطل
اولدینی کبی مدعا به اعیانندن اولمسی حسبیله نقده
تحویلی جائز اوله میه جفی مدافعة درمیان ایتمش
ایسه ده اولبابده اجرا قلنان محاکمه و تدقیقات
نتیجه سنده ملتزم مرقومک تأدیة دین ایده جکی
مشروط اولان اوچبوز اوچ سنه سی تشرین ثانیه سی
غایه سنده حنطه فیثاتنک اوتوزاتی وشعیرک یکرمی

التي غروش اولدینی لدى الاستعلام جانب بلدیة دن
ورود ایدن مضبطه مآئندن اكلاشلمش اولوب
انجق سنه مرقومه ده قورقلق اولمق حسبیله
حنطه نك اوتوز وشعیرک یکرمی التي غروشندن
بالحساب بالغ اولدینی اون بش بیک درت یوز
سکسان یدی یچق غروشك خزینة جلیله نك اصیل
وکفیل مرقومانک قفیسندن اولورسه مع گذشته
تخصیصه حکمدن و مستدعی تمیز خلیلک اشبو
قرار علیهنده لایحه سنده محرر باشلوجه اعتراضی
حین عقدده میبعک مجهول اولمسی جهته بیعک
بطالانی حقتده عندالحاکمه درمیان ایلدیکی
اعتراضنک نظردفته التامسی مخالف قانون اولدیفندن
بجمله اعلامک نقضی استدعا سندن و مدعی علیه
خزینة جلیله وکیلنک نتیجه اجوبه سی اعتراض
واقع واهی ایدوکی بیانیه ردی وموافق قانون
اولان اعلامک تصدیقی طلبندن ومعاون مومی
الیهک مطالعه سی دخی دعوی واقعه اموال دولته
عائد اولدینی حالد اشئای محاکمه و تدقیقده مدعی
عمومینک بالمداخله مطالعه سی استماع قلنامش
وذخیره فیثاتنک تحقیق وتعییننه دائر اولان
بلدیة نك جوابی عیناً اعلامه درج اولنامش
ومقدار ذخیره رسماً تحقق ایتماش اولمسنه مبی

اعتراضات واقعه نك موافق قانون اولدینی بیانندن
عبارت بولمشددر .

ایجابی لدى المذاکره اعلام مذکور
مطالعه سندن اكلاشلدینی اوزره دعوی واقعه نك
اموال دولته عائد اولدینی جهته اشئای محاکمه
وتدقیقاتنده مدعی عمومینک مطالعه سی استماع
اولنامسی ومدعا به ذخیره فیثاتنک تحقیق وتعییننه
دائر اعلام مذکوره حکابه ایدیلان بلدیة جوابنک
عیناً ویا خلاصه اعلام مذکوره درج وتنیق
اولنامسی و مدعا به ذخیره نك مقداری رسماً
تحقیق ایدیلرک تین ایده جک حاله کوره حکم
اعطاسی مقتضی ایکن بوراسنه دقت اولمقسزین
حکم اولمسی مخالف اصول وقانون اولدیفنه بناء
اصول محاکمه حقوقیه قانوننک ایکبوز قرق برنجی
ماده سی موجبجه اعلام مذکورک تفضیله قانون
مزبورک ایکبوز قرق دردنجی ماده سی حکمنه توفیقاً
کیفیتنک صور مشروحه دائره سنده یکیدن بالرؤیه
اعلامه ربطی ضمننده محکمه مذکوره به اعاده سنه
وزیرده مفرداتی مرقم درتیوز اون درت یچق
غروش مصارف محاکمه نك ایلروده حقسز چقه جق
طرفه رجوع ایتک اوزره اول امرده مستدعی

تمیز خلیلدن التمسنه ۹ تشرین ثانی سنه ۳۱۰
تاریخنده متفقاً قرار ویریلرک تفهیم قلندی .

اعلان

بریکلینک ترزی حاجی اوغلی ارسیدیدی
ذمتنده با اعلام الاجفی بوانسان مبالغتک تأمین
استیفاسی ضمننده تحت مجزه النان قاضی قریه سنده
جعفر اغا محله سنده پشمالجی اوغلی زقاغنده روم
مکتبی قارشوسنده برطرفی عطار آرتین زوجیه سی
نمزورقادرین منزلی وبرطرفی عربیان ورون قادرین
عرصه سی وبرطرفی بابا زیروتیوؤس منزلی و طرف
رابی روم مکتبی جاده سی اولوب تخمیناً یوز اون
طقوز زراعندن عبارت واللی چکی طاشی حاوی
یکرمی طقوز ومکرر یکرمی طقوز نومرولی
والده سی ابه النقودن ارثاً انتقال ایدن عرصه دن
اوچ حصه اعتباریه متصرف اولدینی بر حصه سی
عندالمزایده لیرا یوز غروش حسابیه بیک بشیوز
غروشده طالبی عهده سنده تقرر ایدرک تاریخ

اعلانندن اعتباراً بر ماه ختامنده اجرا قانونی احکامنه توفیقاً قرار قطعی و یر یله جکی جهته یوزده بش ضمیمه زیادهیه طالب اولنلرک مدت مذ کوره ظرفنده اسکدار بدایت محکمه سی اجرا دائره سنه مراجعت ایلملری اعلان اولنور .

فی ۲۷ مایس سنه ۳۱۲

مرحوم قوله عبده اغا نقودی وقفنک متوالیسی فضیلنلو احمد شکری افندیکنک محمد خیری افندی ذمتنده اوقاف همایون مفتشالکندن و یریلان ۱۰ ربیع الآخر سنه ۳۱۲ تاریخلی بر قطعه ادا نه جتی موجبجه الاجنی اولان مبالغ معلوم نك تأمین استیفاسی ضمنتده مدیون موسی الیهک عهده سنده اولوب مرهون و فروختی محکوم بولنان استانبولده اوزون چارشو جاده سنده یواشجه شاهین محله سنده کائن یوز التمش درت نومرو ایله مرقم بر باب امامه جی دکانی دروننده موجود امامه جی کدکی یکر می سهم اعتبار یله اون درت سهم حصه شایعه سنک اشبو تاریخ اعلانندن اعتباراً اون بش کون صکره فروخته تشبث اولنه جفتندن

طالب اولنلرک بی سورمک و بوندن دها زیاده تفصیلات المق استیانتلرک مدت مذ کوره ختامندن صکره در سعادت اعلامات شرعیه اجرا دائره سنه مراجعت ایلملری دائره مذ کوره دن اعلان اولنور .

فی ۳۰ مایس سنه ۳۱۲

عاکف افندیکنک در سعادت بدایت محکمه سی برنجی حقوق دائره سنندن اعطا قلنان اعلام موجبجه آشجی اصنافندن بقوله ذمتنده الاجنی اولان معلوم المقدار مبالغک تأمین استیفاسی چون مرهون و فروختی محکوم بولنان لنفده اینه بک محله سنده میراخور حامی جاده سنده بش نومرو ایله مرقم بر باب آشجی دکانی کدکنک یوز یکر می سهم اعتبار یله اون طقوز و ثلثان سهم حصه سنک تاریخ اعلانندن اعتباراً اون بش کون صکره بالمزایده فروخت اولنه جتی در سعادت اعلامات نظامیه اجرا دائره سنندن اعلان اولنور .

فی ۱ حزیران سنه ۳۱۲

بنایوطک $\frac{312}{311}$ نومرو لی اعلام موجبجه دیستوقلی ساطه لی خواجه ذمتنده الاجنی اولان معلوم المقدار مبالغک تأمین استیفاسی ضمنتده مدیون موسی الیهک اوج عدد کتبخانه دروننده عجوز اولان بر طاقم کتابلری شهر جاری رومینک بشنجی چهارشنبه کونی بک اوغلنده غلطه سرانی اوکنده مزایده اولنه جفتندن طالب اولنلرک یوم مذ کورده ساعت بش راده لرنده محل مذ کوره مراجعت ایلملری اعلان اولنور .

فی ۱ حزیران سنه ۳۱۲

مانول و قورتلیا و اودینه نک پدرلری یا نقو و والد لری دستوبجه نک عهده تصرف لرنده اولوب اقامتگاه ی مجهول بولنان دیتری اپوستولیدی طرفندن تحت ججزه النان و بعده وفات یله مرقومون مانول و قورتلیا و اودینه یه عادیاً انتقال ایدن فنار قیوسی داخلنده عبدی صوباشی محله سننده واقع سنان افندی و قفتندن اولوب قبل الحریق اوج

باب دکان و ایکی باب منزل و الیوم بر قطعه عرصه اوزرینه موضوع ججزک فکی در سعادت بدایت محکمه سی ایکنجی حقوق دائره سنندن ۱ نیسان سنه ۳۱۲ تاریخ و قرق عددلی بر قطعه اعلامیه محکوم بولنمش و اعلام مذ کورک کیفیت تبلیغنک مرقوم دیترینک اقامتگاهنک مجهول بولنسنندن طولانی غزته لرله اعلان ایدلرکی اعلام مذ کوره مربوط اوج قطعه غزته مفادندن اکلا شامش و حکم اعلامک اجراسی مرقومون مانول و قورتلیا و اودینه طرف لرندن طلب و استدعا قلمش اولمغه اجرا قانوننک یکر می طقوزنجی ماده سی حکم نه ججه تاریخ اعلانندن اعتباراً طقسان بر کونه دکن مرقوم دیترینک اثبات وجود ایتمدیکی تقدیرده بر موجب حکم و اعلام ججز موضوع مذ کورک فکی خصوصنک دائره عانده سنه بامذ صکره بلدیله جکی و ایجاب ایدن معامله لازمه ایضا ایدیله جکی در سعادت اعلامات نظامیه اجرا دائره سنندن اعلان اولنور .

فی ۴ حزیران سنه ۳۱۲

رشاد تلو حسین ذکی پایافندی ایله همشیره سی
 باقره خانمك درسمادت بدايت محكمه سی اینکنجی
 حقوق دائره سندن استحصال ایلدیکی اعلام
 موجبنجه سلیمانیه ده مقیمه عایشه خانم ذمتده
 محکوم به الاجبی اولان معلوم المقدار مبالغك
 تأمین استیفاسی ضمننده محجوز وفروختی محکوم
 بولنان ایوبده واقع ساحلخانه ده کی نصف حصه
 شایعه سنك تاریخ اعلاندن اعتباراً اون بش کون
 صکره بالمزایده فروخته تشبث اولنه جینی
 درسمادت اعلامات نظامیه اجرا دائره سندن
 اعلان اولنور .

فی ۴ حزیران سنه ۱۲۹۲

بر نومرولی ساحلخانه ایله تحتنده واقع ایکی عدد
 قایقخانه واسکدارده بلبل دره جاده سنده اون
 نومرولی بر باب قهوه خانه وطوبطاشنده درتیوز
 اوتوز درت ودرتیوز اوتوز التی نومرولی منزل
 ایله قاسم پاشاده سروری محله سنده چشمه زقاغنده
 بر باب خانه که جمعا یدی قطعه املاک اوزرنده
 مرقومون طرفندن وضع اولنان چيزك فیکي
 محکوم اولوب اعلام مذکور حکمنك اجراسی
 ضمننده اخبارنامه سی تنظیم قلمش ایسه ده مرقو-
 مونك اقامتگاهلری مجهول و حال فرارده
 بولنلرندن ناشی اجرا قانوننك یکر می طقوز
 و اصول محاکمه حقوقیه قانوننك اون طقوزنجی
 ماده لر ی موجبنجه مذکور اخبارنامه ورقه سی
 محکمه دیوانخانه سنه تعلیق قلمش اولمغله تاریخ
 اعلاندن اعتباراً طقسان بر کون طرفنده بك اوغلی
 اجرا دائره سنه کللری ویاخود طرفلرندن وکیل
 کوندرملری اعلان اولنور .

فی ۴ حزیران سنه ۱۲۹۲

متوفی عارف بك ورته سنك حال فرارده
 بولنان قلاچیان ماردیروس و کر قور پنبه جیان
 وصراف کر قور علیه لرینه بك اوغلی برنجی حقوق
 دائره سندن صادر اولان اعلام موجبنجه ورته
 مومی الیهك انتقالاً متصرف اولدقلری بشکطاشده
 سنان پاشای عتیق محله سنده اسکله سوقاغنده قرق